

# OMUKWETU

Registered at the General Post Office as a Newspaper



*Tegelela na lela okanona  
nenyariyu*

Ehokololo tala kemandja 4

## EKWATHO LYOMAGONGALO TALI INDILWA

Epangelongeleka lyaVELKSWA momutumba gwalyo petameko lyaMaalitsa 1975 mOvenda, olya kundathana onkalomwenyo yaafadhukipo Aanamibia ye li ngashingeyi muZambia. Moonkundathana ndhika opwa dhimblulwa kutya nonando Oongeleka dhilwe muuyuni odhi itulamo shili okuyakula iilyo mbika yi li mehalakano, Oongeleka muNamibia otadhi vulu wo okuyambidhidha mpoka tadhi vulu nando mokugongela iinyolwa yopakriste.

Patokolo ndika omupresidente gwaVELKSWA ota indile omagongalo agehe ga gongele sha okulanda iileshomwa mbyoka. Nekwatho ndika lyomagongalo omupresidente okwa ti kutya:

“Shika kashi shi ashike eyakulo lyopambepo kaantu yetu, ihe otashi tu dhigininitha wo muukumwe wetu nayo.”

Oombimbeli, omaimbilo, omatestamendi niifo yOongeleka oyo tayi dhiladhilwa meyakulo ndika.



# Oshilonga shopamhepo mokati kovafadukipo

Oshilonga shopamhepo mokati kovafadukipo

Ovanambia ve li muZambia natango otaku kundanwa nokutya kave li moluhepo lwomayakulo opakriste ngaashi sha kala she likwatwa kuvahapu ve na oshisho sheemwenyo. Kakele keyakulafano lavo vene olo tava ningilafana ongoshinakuwanifwa shomukriste keshe, otaku tiwa, ovafita novayevangeliste mokati kavo ihava pumbu mo oku va yakula.

## Eyakulo lyOngeleka ya-ELOK pondje ya S.W.A

Ongeleka yaELOK oya kambadhala lwotango okugongela iimaliwa omolwokukwatha aanaluhupo mboka taa monika wo muuyuni. Ongalo yotango omolwelalakano ndika oya li ya umbwa mOkrisimesa 1974. Shika osha li wo sha fatululwa nawa momagongalo nomoshifo shOngeleka, **OMUKWETU**.

Osha holoka natango moontokolwa dhEpange-longeleka 18-19.3.1975 kutya ongalo ndjika tayi ka umbwa esiku lyoshituthihambelesho shOshinyanyangidho, yi ka kale ndjoka tayi ka yakula wo aamwameme yomuuyuni mboka ye li moluhepo. Omagongalo otaga kumikwa ano omukumo okugandja nomwenyo gwa yela esi ku ndyoka okuholola ehambelesho.

Sigo oompaka okwa li inaku ningwa etokolo kOngeleka kutya iimaliwa mbyoka ayihe otayi ka yakulithwa kaakwanaluhupo yomevi lini, mu-Afrika, muAsia nenge muEuropa, aawe. Ihe ongeleka ndjika oyo oshilyo shomOngongahangano ndjoka hayi taamba omaindilo taga zi koombinga noombinga kOngeleka, ngashi nOngeleka yetu hayi taamba ko wo pamaindilo. Shika osho wo tashi yamukula nepulo kutya tse mokugandja kwetu iimaliwa yi ka longe pondje, haku tyanda katu na we oluhepo, ihe otwa hala okupandula wo Kalunga sho he tu yamukula aluhe moompumbwe dhetu, ndhoka tadhi zi wo kaamwameme yomuuyuni nando ye na omaudhigu gawo.

"Okugandja oku na elago komeho gokutaamba."

Amushanga gwOmukwetu

Oshilonga sheyakulo lopamhepo mokati kavo, omufitaongalo Salatiel Ailonga, ou a longa nokuli paife efimbo lile mokati kavo okwe shi hokolola ngaha:

Ovafadukipo 26 ova mona nokuli efilonghenda leshasho, 511 ova pamekwa (kolekwa) fimbo ongundu inene yovanhu 200 oya tambulilwa mOngeleka. Eyakulo eli ola ningwa pailonga yetatamudo, eshi ovanhu va tameka okufadukila kuZambia okudja Mai 1974.

Okwe shi fatulula yo kutya eyakulo lopamhepo mokati kovanhu ava, oshilonga tashi longwa pamukangha wopaekumene (palongelokumwe leengeleka). Ye pamwe novafita vawkwao ava ve li ko, ovayevangeliste novahongi vouteologi, ohava ningi elongelokalunga Oshoondaxa keshe meenhele adishe mwa ongala ovakondjelimanguluko muZambia.

Tate Ailonga ota pandula unene koshilonga sheyakulo tashi ningilwa ovakondjelimanguluko, unene osho a ti kutya osha dja kEhangantumo laSoomi eshi la tuma omatestamendi mape 400, nosho tuu omambo makwo oukriste a dja kEengeleka domuSoomi nokOngongahano yOvakwaluther, ile ekwafo kounona eli la dja ku V.V.O.

Okwa tumbula yo eyakulo lOngeleka yOwambokavango mekwatafano noshifo shOngeleka, **OMUKWETU** osho sha fa tashi va kwatakanifa natango noshiwana shavo apa. Omushamane Ailonga okwa ti:

"Pamadiladilo ange, eyakulo alishe eli otali ulike nokutya oshilonga shOngeleka osha pumbiwa neenghono nomomahangano ovakondjelimanguluko."

(Kotimaa 18-2-75)



### ETALALEKO MUUDHIGU

Kalunga naHe yOmuwa gwetu Jesus Kristus, nahambelesho, Ohe yesilohenda naKalunga ketalaleko alihe. Oonguka te tu talaleke muudhigu wetu auhe.

Oshoka ngashi omeehamo gaKristus ge tu udha pombanda, osho tuu omatalaleko ge tu udha pombanda molwaKristus, 2Kor. 1:3,5. Nyanyukweni aluhe mOmuwa, Omuwa oku li popepi Fil. 4:4-5. Martin Shambo



# Oshituthi shetumo lyOmbepo

Oshituthi shaPentekoste, oshituthi shOmbepo Ondjapuki, oshi li popepi. Moshituthi shika oshinene otatu dhana etumo lyOmbep Ondjapuki, Jesus ngoka a dhipagwa molwoondjo dhetu, a sindana moondjo sho a yumuka.

Jesus sho a londo kegulu, ina etha aantu ye ya kale muumbanda, aawe. Okwe ya tumine Ombepo Ondjapuki opo e ya koleke nawa. Shoka sha ningwa mesiku ndika, otatu shi lesa nawa montopola ontiyali yilonga yAayapostoli, mbyoka ya shangwa kuLukas, omuyevangeliste ngoka a shanga wo evangeli etitatu.

Ombepo Ondjapuki oya holoka mesiku lyaPentekoste. Aayuda oya dhana nale oshituthi shaPentekoste kehe omumvo, edhimbulukitho lyaKalunga kondundu yaSioni sho a holokele kuyo. Eihololo ndika lyaKalunga kondundu, olyo endhindhiliko nenge elongekidho lyeholoko lyOmbepo Ondjapuki muJerusalem.

Mondundu yaSinai, Aaisraeli oya longekidhwa kuKalunga, opo ya taambe esiku limwe Ombepo Ondjapuki. Pethimbo ndiyaka, Aaisraeli inaa putudhwa nawa miinima iiwanawa. Oya kala nomikalo omiwinayi, onke Kalunga okwa holoka ngomuhona omunene ta tilitha aantu opo ya vulike kuye. Kalunga okwa pe oshigwana she iipango omulongo. Aanandunge lela ohaa kala ye shi shi shoka shu uka naashoka oshiwini, inaa pumbwa iipango. Ihe Aaisraeli oya li aagoya, miinima iiwanawa, onke oya li ya pumbwa okupewa iipango, ya tilithwe nokwoopaleka omikalo dhawo, opo esiku limwe ya vule okutaamba Ombepo Ondjapuki.

Kalunga okwa holoka ishewe okwoopaleka eholoko lye mondundu yaSinai li ninge ewanawa lya pwa, lya gwana. Kalunga okwa gwanitha elongekidho lye meholoko lye etiyali sho kwi igandja yemwene mOmbepo ye Ondjapuki. Eganodika lya gandjwa mondundu yaSinai oya li ewanawa, ihe inali kala ewanawa ngaashi ndyoka lya gandjwa meholoko etiyali, aantu sho ya taamba Ombepo Ondjapuki ndjoka tayi kwatha aantu miinima ayihe iiwanawa.

Kalunga sho kwa holokele kondundu yaSinai, okwa li a tilitha aantu. Meholoko lye etiyali okwa kutha po uumbanda auhe maalongwa. Petrus okwa thikama pamwe nAayapostoli ooyakwawo nokwa uvithile aantu noonkondo. Otatu lesa nokutya aantu yomayovi gatatu oya shashwa mesiku limwe. MoPentekoste ndjika tayi ya, tu galikaneni noonkondo, opo tu ninge aantu yOmbepo yaKalunga. Ombepo nayi tu kulukile ngaashi ya li ya kwata nale aalongwa yaJesus.



MoPentekoste Aayapostoli oya mona Ombepo Ondjapuki, Ombepo yaKalunga noyaJesus wo. Jesus ota kala mokati ketu nOmbepo ye. Ombepo ye ohayi kala meklesia (megongalo) lye. Ombepo otayi gamene egongalo lya puke mo miinima yeitaalo. Ombepo oya hala okukala momuntu kehe.

Aayapostoli sho ya mono nenge ya taamba Ombepo Ondjapuki, Ombepo yaKalunga, oya vulu wo oku yi gandja kaantu ooyakwawo. Miiilonga yAayapostoli otatu lesa kutya Petrus naJohannes oya tumwa kuSamaria ya ka gandje kaantu Ombepo Ondjapuki mboka ya shashwa. Sigo onena aantu ohaa taamba Ombepo Ondjapuki pekoleko. Esakramendi ohali gandjwa pehulilo lyuunona wawo, opo ya ninge aakuluntu lela miinima ayihe iiwanawa. Oshiholelwa oshiwaniwawo otatu shi lesa kombinga yaJesus sho a shashwa momulonga gwaJordan. Okwa lambelwa kOmbepo Ondjapuki, a kolekwa kuyo. Okwa kolekwa sho ta tameke iilonga iidhigu, opo a taambe onkondo adhihe dhOmbepo Ondjapuki.

Jesus okwa longo iilonga ye ayihe mevuliko lyaKalunga. Nando ya li iidhigu, ina puguma mo mondjila nando. Iilonga mbyoka oye mu fala momushigakano, ihe Ombepo Ondjapuki oye mu enditha muayihe.

Ngashi Ombepo ya kwatha Jesus miilonga ye iidhigu, osho wo ya hala oku tu kwatha. Oya hala oku tu pa oonkondo dhayo adhihe, nando kombinga yaantu, oya hala oku yi taamba kashona kowala. Pethimbo limwe aantu ohaa yi kondjitha nokuli nokulonga iilonga yonyama, haambyoka yOmbepo.

Etililo lyOmbepo Ondjapuki oli li popepi, tu gwanihwa shoka inaashi gwanihwa pethimbo lyekoleko lyetu. Ethimbo inali pwa po natango. Ombepo Ondjapuki oya hala okwiigandja yoyene aluhe. Naashika otashi kala mokati ketu sigo pehulilo lyuuyuni.

**P. Klemens Schneiders**  
(Lya kuthwa mOmukuni)



# Efiloshisho pefimbo

## leteelelo

Oule weedula dinini da pita omuvaiu wovakulukadi muNamibia tava monene ounona moihakulilo owa ehena pombada. Ashike ope na vahapu natango hava i koihakulilo lwotete fiku tava mono ounona naavo hava monene ounona momaumbo noinava enda "Etine" lovakulukadi. Ounona ava ohava dalelwa peenhele inadi koshoka, pehe na efiloshisho lomudalifi ile landokotola. Luhapu konima yomafiku manini ounona ava otava etwa koihakulilo ve li molupe lii louyehame.



Efimbo ola koya nale eshi omukulukadi keshe e li meetelelo a ye koshihakulilo **divadiva** shimha tuu a dimbulukwa kutya oku li meteelelo. Ina teelega fiku medimo muhe na ombili.

ELALAKANO lefiloshisho pefimbo leteelelo olashike?

Omukulukadi a kale noukolele opo a dule okumona okaana ke na oukolele.

2 Okudimbulukwa DIVA nge ope na oshiponga ile oupyakadi wa sha.

3 Okupukulula omukulukadi kombinga youteku wokutelela nokukandula po omaumbada aeshe eteelelo mokumona okaana.

Omukulukadi na ye koshihakulilo **DIVADIVA** eshi a dimbulukwa kutya oku li meteelelo. Omudalifi ile ndokotola ota dule okukonakona oukolele womukulukadi osho unene omakonakono opatelelo. Eshi otash kwafele nge ope na okapuko kasha ka dimbulukiwe diva ko ka hakulwe. Omukulukadi ota pukululwa yo kombinga:

1. Yoikulya ei ya pumbiwa pefimbo leteelelo.
2. Yomidjalo pefimbo leteelelo.
3. Yokufuda po nokukofa eetudi da wana.
4. Youkalinawa noukoshoki wokolutu.
5. Yomaumbada nomaitavelo aeshe kombinga yeteelelo noumwali.

6. Ovakulukadi otava dule yo okutalifwa okanyofi (ava inava enda mo nale) ongelongekido.

Otashi dulika vamwe tava ti "Etine oko hatu i nde ihatu mono omapukululo aeshe oo." Efimbo otali lunduluka. Vali otu na okudimbulukwa kutya otu na ovanailonga vanini moihakulilo, onghe luhapu itava wanifa aeshe ei va hala okuninga. Onghe omukulukadi keshe ou a hala okupula sha na pule omudalifi ile ndokotola waye. Dimbulukwa: "Okupula haulai."

Oinima ei otai dule okuwanifwa shaa pe na elongelokumwe pokati koihakulilo novateeleli onghe

1. Inda DIVA koshihakulilo eshi wa dimbulukwa kutya ou li meteelelo.
2. Diinina omafiku oye okuya kEtine.
3. Kala alushe u na ehalo lokuililonga oinima ipe.
4. Fikifa omalombwelo aa kumushinda shoye. Lesho oshifo tashi landula nge u na okufiloshisho okaana koye.

N. T. Hamata.

### Oinima ivali tai pukifa omunhu

Oinima ivali, ouyamba noufyoona, otai dule okupukifa omunhu. Uuyamba owo oshinima shiwa nowa ufwa kuKalunga, ndele ngeenge omunhu te u fimaneke komesho yaKalunga otai mu kufa muKalunga. Onghe Agur ota ilikana a pewe osho she mu yeleka, haufyoona, woo hauyamba.

Ouyamba ngeenge omunhu e u na ndele ine u tula komesho yaKalunga, kau na oshiponga. Tala Abraham, osho yo Job. Okwa li ovayamba ndele inava imbwa okufimaneka Kalunga. Kala nouyamba u yakule nao oshiwana shaKalunga.

Kombinga ikwawo ngeenge oumufyoona, otashi dulika u puke eshi to haluka oinima yovanhu noto ka vaka. Kalunga ina hala oufyoona, onghe eendjovo daye tadi ti:

"Omunhu keshe na longe nomake aye, ye a pe yo ou e na oluhepo."

Ino likokela oufyoona mokunyonauna po oinima yoye. Vamwe otava hanaunine omaliko avo moinima ihafele ngashi moikunwa tai nyonauna po olutu. Oku na shili vamwe ovo ve li moufyoona pamwe omlwounini weendjavi. Ndele nande ongaha, diinina ngoo oko u ka na.

Filippus Nakanwe

### Ngoye ogwaantu

"Ongame onde ku kulile, nonde ku ithana edhina lyoye ongoye ogwandje." Jes.43:1.

Omuntu keeshi gwongundu yontumba ya konga oonkondo neliko lyoshilongo, lyezimo nenge lyoludhi lwontumba, aawe. Gulwe ngele ta holoka a kuthe aantu e ya hepeke nomukalo kehe, ngele a kale omunankondo e thike peni, ota lombwelwa mpaka kumwene gwaaantu kutya; "Aantu oyandje."

Aantu, oyaantu, yaKalunga. Pamwe ope na yamwe taa dhiladhila kutya opu na uudhigu mevi ndika u vule oonkondo dhaantu. Dhiladhila Kalunga ota ti, "Ongoye ogwandje." Ov.1 Omilonga itadhi ku ninginitha, nomulilo itagu ku lunginitha. Oto hupithwa mwaayihe mbika.

A. Iuhwa

X X X X X X

Oshinakugwanithwa tashi kalelele shOngeleka, osho euvitho lyevangeli, mundyoka Kalunga Ombepo Ondjapuki a hala oku li gandja noku li dhiginina. Egwanitho lyoshilonga shika sha pewa Ongeleka, olyo wo omapitikilo giilongaitano yilwe mbyoka tayi vulu okupewa Ongeleka.

(DELK)



# ONDHILO YONGELEKA NEYAKULO LYAYO KOMUNTU KEHE

Oongeleka odhindji ookwaLuther muuyuni sho dha thikamenwa komapulo ogendji omadhigu ngashi tashi holoka mOongeleka dhilwe wo, Ongongahangano yAakwaluther (LWF) otayi kambadhala okwiilonga iilyongeleka yayo noku yi uva ko opo yi vule oku yi kwatha pahapu nenge pailonga.

**Osho sha hololwa komusitagongalo Timoteus Shipanga omutonateli omukulu moshitayingeleka shOndonga.**

Oshikondo tashi ithanwa oshomakonakono (Departement of Studies), oshi li ihe moombelewa dhOngongahangano okukonakona omapulo gi ili nogi ili taga zi koombinga noombinga kiilyongeleka yehangano ndyoka, ngoka taga gumu oshilongaithano shOongeleka.

Tate Shipanga okwa ti kutya opo ihe mpaka pwa folomwa oshipalanyolo: "Ondhilo yOongeleka (identiteit) neyakulo lyayo komuntu kehe." Otwa fatulula mpaka oshitya "identiteit" kutya "ondhilo", oshitya shoka tashi ulike uukwatya womuntu okuza kolupe lwe sigo mombizi ye. Pamwe omuleshi oku na oshitya oshivanawa shi vule shika.

"Ihe onkene ngaa oshipalanyolo shoshe ne osha kwatelela mo wo oshindji,

ngoka tayi vulu. Opo ihe ngele opwa dhimbululwa ompumbwe yokugwedhela po mushono sha hololwa po, otaku pu lwa ihe koshikondo shomakonakono kOngongahangano, Oongeleka dhilwe nke ne dha piti moshinima shoka.

Pahokololo lya tate Shipanga, ngoka VELKSWA e mu pe oshimpwiyu shuuhamushanga mekwatathano nOngongahangano, oku na nale nokuli Oongeleka dhi vule 20 tadhi longele kumwe moshinima shika. VELKSWA wo okuli ngashingeyi mongundu ndjoka.

"Uuyuni wongashingeyi ou li moshipili, mo omo moka Oongeleka yaKristus otayi longele oshilonga shayo shokuyakula omuntu aguhe olutu nomwenyo. Onkee Oongeleka oyi na okutonata moshi-

*Ngole wa ithanwa u vulele monasaraku, sha kuyele, manga canineta inaasni tamaka.*



shi na sha nomaipulo omadhigu goongeleka ngaashi dhomuAsia, Amerika lyokuumbugantu nodhomuAfrika moka o-mautho getopagulo lyonkalathano taga tsakanithwa nowino montaneho."

Mehokololo lye tate Shipaga okwe shi yelitha nkene pu na eyooloko pokati kOongeleka muEuropa. Omaudhigu gadho oge na sha ashike nuuyogoki.

## **Olye omukonakoni gwomapulo?**

Ongongahangano yAakwaluther oyo ngaa omuutaambi gwomapulo agehe nomafaneko ngoka taga zi kOongeleka dhi li iilyo mehanganano. Iilyongeleka yoyene oyo tayi kongo omayamukulo pamuthika

longaithano shayo shopaKalunga muu-yelele wOmbimbeli, ongele opasosiale nenge pamadhiladhilo guupolotika.

"Omolwomatamaneko ogendji nomagandjo guusama haga zi pondje nenge meni lyOongeleka. Oongeleka oyi na ano okukala ya tseye mpoka ya thikama naashono tayi shiningi, opo yaa kanithe **ondhilo** yayo.

"Osho shoka Omuyapostoli Paulus ote shi kumagidhile mbeyaka kutya. "Ne i namufaathana nuuyuni mbuka aawe." Osho ehokololo lya ti:

Ekwatho lya gwana po okumona uuyelele wa gwana mekonakono ndika mOongeleka kehe tate Shipanga okwa ti otali zi ashike melongelo kumwe ewanawa lyaanashifonga.



# IINIWE YOMAGONGALO GA ELOK 1974

Ehokololo lyegongelo nelongitho lyiiniwe yomagongalo 1974, ndyoka Iya kundathanwa mEpangelongerki lyeti 18-19/3/75 nolya talululwa ishewe mEpangelongerki lyeti 3/3/75, olya ulike omagongalo 23 ga kondjo okutsakanitha oontengenekofaneko dhago, manga omakwawo 27 ga nyengwa oku dhi tsakanitha. Opwa kala etegameno omagongalo agehe ga kale ga tsakanitha oontengenekofaneko dhago dhomumvo 1974, sho iigandjwa yaa-kwanegongalo ya gwedhelwa okuza petameko lyomumvo ngoka 74. Ihe sho gamwe ga nyengwa ngeyi, otaga ka mona uudhigu owindji 1975, oshoka oondjambi dhaayakuli yomomagongalo odha gwedhelwa 40%, okuza petameko lyajauuali 75.

Omagongalo ngoka ga sindana mekondjelo lyontengenekofaneko 1974, oga pandulwa unene kEpangelongerki: Mpaka otapu holoka omadhina gago paitayingerki:

ONDONGA	UUNINGININO	UUKWANYAMA	KAVANGO
Oniipa	Okahao	Ongenga	Mpungu
Oshigambo	Etilyasa	Ongwediva	-, -
Onyaanya	Elondo	Ohalushu	-, -
Omuntele	Nakayale	Engela	-, -
Ontananga	Ogongo	Okatope	-, -
Olukonda	Oshakati	Eenhana	-, -
Onguta	-, -	-, -	-, -
Eheke	-, -	-, -	-, -
Okaku	-, -	-, -	-, -
Oshitayi	-, -	-, -	-, -

Oshitayingerki shOndonga opwa dhimbululwa omagongalo gasho taga kondjo nawa noshi ilongele esimano mOngoleka ayihe yaELOK.

Otandi tula mpaka iitaambwa niifutwa momagongalo paitayingerki 1974.

	IITAAMBWA			IIFUTWA				
	IIHU- PE	EGONGE- LO	EKWA- THO	KUMWE	OONDJA- MBI	YILWE	IIHUPE	KUMWE
UUNINGININO:	3049	35789	10310	= 49149	27483	17908	3757	= 49148
UUKWANYAMA:	3068	31943	13356	= 48367	29938	13867	4562	= 48367
ONDONGA:	1585	34963	8731	= 45279	26463	13562	4254	= 45279
KAVANGO:	447	5906	3465	= 9818	6558	2935	325	= 9818
	8149	108601	35862	= 152612	90442	49272	12898	= 152612

Ehokololo ndika sho tali tu ulukile kutya, omagongalo getu taga pumbwa ekwatho lyopondje li thike R35,862 opo ga pite, otali halutha, oshoka ekwatho lyopondje itali kala aluhe, o-lyokathimbo. Onkee aakriste ayehe yomu ELOK, taa indilwa ya ninge shili ashihe shoka taa vulu okugandja shoka shOmuwa. MEtestamendi Ekulu, "Shoka shOmuwa okwa tiwa, osho oshitumulongo. ( Mos. 27:30,32)". MEtestamendi Epe, okwa tiwa; OPALIKOLO ESIKU LYOTANGO LYOSHIWIKE KEHE (1 Kor. 16:2).

Tala ano, nkene to thikitha koshinyangagongalo oshitumulongo, nenge oshitopolwa shOmuwa palikolo.

## M. Nghipandulua

## KALUNGA ITE KU ETHA NGANYOKO

Omumvo omukulu gwa piti niimpuyu yagwo, otwa tameka Omumvo omupe. Onda hala ndi ku dhimbuluthe oshinima shimwe oshinene, osho uupopepi waKalunga pungoye. "Itandi mu etha oothigwa otandi ya kune."

Kalunga ite ku etha muudhigu woye, miimpwi-yu yoye kehe yopalutu noyokomwenyo. Ndhindhilika aluhe kutya, ito pumbwa okutula, oshaka ku li awike, aawe. Omu li naJesus. Mpoka to dhimbulula wa pumbwa ekwatho lye okwiilongekidha oku ku kwatha. Jesus ite ku etha ongaangoka kee ku shi. Ota ti: Itandi mu etha oothigwa.

Ota tegelele ngashi u li. Ngele tatu dhiladhila omumvo gwa yi, otatu ndhindhilike nkene onkalo yetu ya kala inaayi yela koshipala she. Oshiponga shohole osha si uunkundi, oondjo

dha tana. Ihe ye ota ti:

Itandi mu etha oothigwa, otandi ya kune. Jesus te ya kutse nena opo e tu yakule omitenge dhetu adhihe dhe tu thindila pevi. Osha yela uuna tatu dhi ihumbatele otadhi tu yugu oonkondo nenyanyu nombili.

Tu tameke iilonga yomumvo nguka nondjuulukwe yashili yokutegelela Jesus te ya muuyuni wetu wa hepa. Oye okuudha olukeno nohole yokudhima po oondjo nodhoye wo. Ombinzi ye tayi vulu ashihe shetu. Inatu etha ehmpululo lyoondjo dhetu.

Jesus gwetu oku na ehalo oku tu hola. Ayehe taa holoka kuye ote ya gwanithile ashihe ye shi pumbwa. Aalongi, aapakani naayakuli ayehe moshigwana mOngerki, tu longeni ayihe medhina IyaJesus ngoka e tu uvanekela okwi itsika omitenge dhetu aluhe. Ope na ngoka ite tu etha ongameme. Oye Jesus. Enyanyu nombili yOmuwa gwetu nayi udhe oomwenyo dhetu medhime po lyoondjo mombinzi yaJesus. **Nekuliilo Longeni Kafula.**



# Ehoololo laaveshe muNamibia tali likundwa

Opwa udika paife opulanda i li pokati kaAmerika nEpangelo laS.A. ku ningwe ehoololo lo-shilongo ashishe shanamibia omolwonakuwa yedu eli. Ehoololo eli otaku tiwa ngenge tali itavelwa, otali ka ningwa mepashukilo la V.V.O.

Panghundana ei ya dja muAmerika, oministeli yoikwapondje yaAmerika, dr. Henry Kissinger, okwa hala okulitula mo moshinima eshi, neta-lelopo la presidende Kaunda paife muAmerika, otaku tiwa okukundafana oshinima eshi noKissinger. Oministeli yoinima yaAfrika muAmerika, omushamane Davis Kissinger naye otaku tiwa ota ka talela po diva S.A. omolwoshinima osho.

Opulanda ya tya ngaha okwa halika i kale ya pwa fimbo eti 30 la Mai inali fika, olo V.V.O. ya tokola S.A. a kale a dja mo muNamibia, eenghwate adishe dopolotika moshilongo eshi di kale da manguulwa mo neeveta adishe dokatongotongo di hanaunwe po.

(Die Suidwes—Afrikaner 15-4-1975)

## RUNDU KAVANGO

Oshilyo shomongundu onhotiveta medumbo laKavango omushamane Anestus Dinanyando okwa tamaneka oshipopiwa shoministeli ikulunhu Alfons Mayavero, osho a ninga pefimbo lomutumba kombinga yomulekeneno woimaliwa.

Okwa ti kutya moshipopipiwa omu na oinima ite i tavele nde ngenge itai kufwa mo ota di mo momutumba. Ediladilo eli ola popilwa yo koilyo ikwao yomutumba.

moshipopipiwa osho omu na yo etumbulo olo tali ti kutya Kavango ke na sha noukumwe woiwana yaSuidwes.

(Suidwes-Afrikanner 25/4/75.)

## EHANGANOTUMO LYENI OLYA PITI NGIINI 1974?

Oshi shi okupandulwa unene sho mu ELOK mu na omahanganotumo gomeni, taga longo oshilongatumo meni lyoongamba dha ELOK nosha etele Ongeleka eyambeko enene. Omahanganotumo 4, oga indila nale Epangelongeleka ga kalelwe po kaatumwa yago, ya longe peha lyawo. Ogo:

- (a) Ehangano lyaagundjuka.
- (b) Ehangano lyaapangi.
- (c) Ehangano lyaanangeshefa.
- (d) nEhangano lyaasita.

**OMBIMBELI MOSHIKWANYAMA  
YA HOLOKA MO ISHEWE  
MOSTOLAMAMBO, ONIIPA,  
NOTAYI GU R1-50.**

Ehanganotumo ndyoka hali piti nawa montengenekofaneko yondjambi yomutumwa gwawo, olyaagundjuka, manga omakwawo gatatu haga pula ekwatho lyoshikethangeleka.

Petameko 1974, omahangano gatatu oga kala nongunga nopehulilo lyomumvo tuu nguka. Aanangeshefa oya kuthako oongaku, manga aasita naapangi "ya thigilwa neluwa lyoopadhi." Oshinima osheende ngeyi:

	ONGU-NGA 74	ONDJAMBI 74	KUMWE	EGONGE-LO	OSHI-HUPE 74	ONGU-NGA 74
AANANGESHEFA:	306-53	300-00	= 606-53	1254-88	170-43	-
AAPANGI:	382-16	600-00	= 982-16	465-99	-	465-00
AASITA:	1058-78	600-00	= 1658-78	260-00	-	1398-78
	1747-78	1500-00	= 3247-47	1980-87	170-43	1864-77

Ehokololo ndika otali ulike kutya, ope na yamwe taa li yakwawo iilonga. Unene tuu mehanganotumo lyaasita: Aapangi hwepo ngaa: Otashi vulika nuumvo **ye shi fululeko**. Ihe mu ayihe Kalunga na pandulwe, ye na yambeke aagandji. Ooranda ndhoka R1980-87, otadhi imikile Kalunga iiyimati. Kalunga na yambeke aagandji.

**M. Nghipandulua**

## DAR—ES—SALAAM

Ehangano lyiilonga yuukumwe wiigwana yaAfrika otali indile iilyo yalyo yi kale itaayi taamba oodhila ndhoka tadhi zi ku S.A. nenge tadhi ka lambela ko, okutokola Afrika pokati.

Oshigongi shuukumwe waAfrika momutumba gwooministeli dhasho muTanzania omasiku ga zi ko osha tokola S.A. a tindilwe koshilongo kehe shaAfrika uuthemba wokulongitha uupale woondhila meni lyaAfrika nenge okulongitha o-matulilo goosikepa.



**Omuministeli yoikwapondje ya Amerika  
dr. Henry Kissinger**



# Aagandji yiimaliwa

## koshiketha "Sorsa"

50	A.Ndatyoonawa	Shikongo	
51	Sirkka	Sakaria	
52	L.M.	Urho	
53	Emma	Mukombabi	
54	Hedvig	Kaukolwa	Ongwediva
55	Sofia	Kadhingula	Ongwediva
56	Hilja	Shetunyenga	Ongwediva
57	Ndahekelekw	Mwandingi	
58	Sofia	Hamutse	Onakaheke
59	Anna	Shikongo	Ontananga
60	Uilika	KaKangulohi	Ontananga
61	Petrina	Awene	Ontananga
62	Loini	Shikongo	Ontananga
63	Abia	Shongolo	Ontananga
64	Fransina	Haikali	Oshimwaku
65	Rebekka	Feleks	Oshimwaku
66	Beata	Kashihakumwa	Eenana
67	Hilima	Kajambu	Ompakoya Nakayale
68	Albertina	Kadhila	Elondo
69	Teopolina	Tegelelela Kappolo	Ongwediva
70	Klaudia	Kookayi	Ongwediva
71	Helvi	Pea	Ongwediva
72	Sesilia	Negonga	Ongwediva
73	Hileni	Iyambo	Ongwediva
74	Rakel	Nalwoondje	Ongwediva
75	Rauha	Kaupulwa	Ongwediva
76	Julia	Uutoni	Ongwediva
77	Selma	lileka	Ongwediva
78	Gertrud	lipinge	Ongwediva
79	Ester	Amaambo	Elim
80	Sylvia	Kanime Nghipondoka	Elim
81	Linda	Shimbuli	
82	Ulla	Mika	
83	Fenni	Shivute	Oshaango
84	Saima	Nghihulifwa	Oshikango
85	Naemi	Hamukwaya	Oshikango
86	Rauha	Mufeti	Engela
87	Rakel	Kapija	Engela
88	Emilia	Nghilundilwa	Engela
89	Monika	Shivute	Oshakati
90	Sesilia	Intamba	Uukwandongo
91	Aune	Shiimi	Uukwandongo
92	Viktoria	Shituula	Uukwandongo
93	Rakela	Nailenge	Ongenga
94	Marjatta	Elonheimo	
95	Josefina	Shikwambi	
96	Sofia	Shindongo	Oniimwandi
97	Hambeleleni	Shinana	Ondimbo
98	L.	Kapofi	Ondimbo
100	Loini	Alugongo	Othika
101	Helena	Ambuga	Othika
102	Marta	lileka	Etilyasa
103	Taimi	Kuume	Etilyasa
104	Sofia	Asino	Etilyasa
105	Sofia	Emvula	
106	Teopolina	Amadhila	Oshukwa
107	Aune	lileka	Oshukwa
108	Kristofina	David	Oshukwa
109	Liina	litula	Oshukwa
111	Frieda	Kaukungwa	Ongenga
112	Maria	Kaholongo	
113	Hilma	lipumbu	Ogongo
114	Laina Naango	Shikongo	Ogongo
115	Magdaleena	Antonia	Onangalo
116	Soini	Kandume	Onangalo
117	Johanna	Fudheni	Onangalo
118	Veikko	Shivute	Uukwandongo
119	Oiva	Shivute	Uukwandongo
120	Efraim	Amunyela	Uukwandongo
121	Petrus	Amutenya	Okahao
122	Sakeus	Kaulu	Okahao
123	Leonard	lita	Okahao
124	Hilma	Shivute	Okahao
125	Taina	Shiimi	Okahao
126	Magdalena	Shijagaja	Okahao
127	Wilhelm	Amutenya	Okahao
128	Justina	K.Mwapopi	Okahao
129	Liode	Kankondi	Okahao
130	Loide	Amadhila	Okahao

## OMUTUMWA WONGELEKA HAUFIKU A ALUKILA KOWAMBO

Omufitaongalo Jason Haufiku okwa alukila paife keumbo konima yomido di dule omilongo ivali eshi a kala ta longo oshilonga shevaengeli pondje yOwambo. Omupashukilishitayingeleka Filippus Shikomba okwe mu nangeka nale nokuli pashivilo melelo leongalo laNgela 20/4/75.

Tate Haufiku okwa tuminwe kOngeleka yavo yaElok a ka yakule ovamati koilonga yavo mehalakano 1949. Okwa hovelela mOshivanda shOngwe omo mwa kala hamu pitile ovaunguli aveshe mokuya kwavo koilonga ile mokwaaluka fiyo 1953.

Omudo 1954 okwa alukila manga kofikola mEngela nokOshigambo fiyo oku-Elimi eshi a yapulilwa oufitaongalo mEngela 1959. Okudja opo okwa yakula ashike eehani dimwe mOhalushu nokwa shunwa ko kovalumenhu vomehalakano melongelokumwe nomumwamemengeleka ELK.

Pefimbo eli omutumba waye owa li ombaye fiyo 1966 petameko. Kovenduka eshi kwa dimbulukiwa omhumbwe yomuleli weongalo linya, okwa tumwa ko nde ta kala ko fiyo okudja ko ngaha e uye kOwambo.

Omushamane Haufiku eshi a fikama koshipala shovakwaneongalo ve dule 900 okwa tumbula ehafo laye eshi a ti nokutya eumbo laye ola mona ovalikaneni vahapu yo nomOwambo. Eongalo laNgela oli na oilyo omayovi 7 nomafele 7 noixupe pavalulo 1973.

Omushamane Haufiku womido da tengekwa po 54, ina yakula ashike Ovawambo mOushimba. Ongeleka aishe kwinya okwa li omuyakuli wayo. Oule weedula hetatu a lela Ongeleka ya E.L.K. ongoshilyo shepangelongeleka (1967—1975), nopomhito imwe ongomuwilikingeleka omuponhele oule weedula hamano (1967-1972).

Ngeno haumwainafana ou wa koka paife pokati kEengeleka edi mbali, ngeno shiimba Ongeleka yaE.L.K. inai pitika Haufiku neumbo laye va dje mokati kavo, osheshi okwa li ve va pumbwa ngashi eisho la pumbiwa molutu.

## OMUKWETU

Oye oshifo shOngeleka onkwaevangeli paLuther yomOwambokavango. Ohashi nyanyangidhwa mOnilpa. Omukuluntu gwoshifo omumbisofu dr. Leonard Auala. Amushanga Rev. Sebulon Ekandjo.

Ondando yoshifo komumvo muSuidwes nomuAfrika alihe R 1. 00 kombanda yomafuta R 2. 00.

Ondando nomambesitelo naga tumwe kOmukwetu Onilpa; P/B. 2013, Ondangwa.

Omatseyitho agehe gomuntu mwene ohaga futiwa kumwene.

OWAMBOKAVANGO CHURCH PRESS  
PRIVATE BAG 2013, ONDANGWA S. W. A.  
9270